

REGLUGERÐ

um hækkun frítekjumarka (tekjumarka) skv. lögum nr. 117/1993 um almannatryggingar, með síðari breytingum.

1. gr.

Frítekjumörk (tekjumörk) skv. 2. mgr. 11. gr., 4. mgr. 12. gr. og 1.-6. mgr. 17. gr. laga nr. 117/1993 um almannatryggingar, með síðari breytingum, skulu hækka frá 1. september 1999 að telja um 4% frá því sem þau voru í ágúst 1999.

2. gr.

Reglugerð þessi, sem er sett með stoð í 65. gr. sbr. 66. gr. laga nr. 117/1993 um almannatryggingar, með síðari breytingum, öðlast þegar gildi.

Heilbrigðis- og tryggingamálaráðuneytinu, 19. ágúst 1999.

Ingibjörg Pálmadóttir.

Jón Sæmundur Sigurjónsson.

30. ágúst 1999

Nr. 571

AUGLÝSING

um deiliskipulag í Reykjavík, Grafarholt.

Grafarholt.

Samkvæmt skipulags- og byggingarlögum nr. 73/1997, með síðari breytingum, samþykkti borgarráð Reykjavíkur, þann 20. júlí 1999, þrjár nýjar deiliskipulagsáætlanir fyrir íbúðabyggð í Grafarholti.

Áætlanirnar voru sendar Skipulagsstofnun til yfirferðar og gerði hún ekki athugasemdir við þær.

Deiliskipulagsáætlanirnar hafa hlotið meðferð skv. 25. gr. skipulags- og byggingarlaga nr. 73/1997 og öðlast þegar gildi.

Reykjavík, 30. ágúst 1999.

Þorvaldur S. Þorvaldsson skipulagsstjóri.

25. ágúst 1999

Nr. 572

AUGLÝSING

um staðfestingu á breytingu á aðalskipulagi Reykjavíkur 1996-2016, Grafargil við Vesturlandsveg.

Samkvæmt skipulags- og byggingarlögum nr. 73/1997 hefur ráðherra þann 25. ágúst 1999 staðfest breytingu á aðalskipulagi Reykjavíkur 1996-2016.

Breytt er afmörkun borgarverndaðs svæðis austast í Grafargili, göng undir Vesturlandsveg við Laxalón eru færð til austurs og stígakerfi breytt beggja vegna Vesturlandsvegar.

Uppdrátturinn hefur hlotið þá meðferð sem skipulags- og byggingarlög mæla fyrir um og samþykki borgarráðs Reykjavíkur. Skipulagsstofnun hefur afgreitt erindið til staðfestingar.

Umhverfissráðuneytinu, 25. ágúst 1999.

Siv Friðleifsdóttir.

Magnús Jóhannesson.

GJALDSKRÁ

fyrir hundahald á Suðurnesjum.

1. gr.

Árgjald fyrir að halda hund, sbr. staflið b. í 1. mgr. 2. gr. samþykktar nr. 428/1987, með síðari breytingum, skal vera kr. 10.000 fyrir hvern hund. Eindagi gjaldsins er 1. mars ár hvert. Eindagi hundaleyfisgjalda fyrir árið 1999 skal þó vera 15. ágúst 1999.

Allur kostnaður vegna föngunar hunda, sem teknir eru lausir, s.s. útkallskostnaður, bifreiðakostnaður og búrleiga, skal greiddur af hlutaðeigandi leyfishafa eða umráðamanni hunds sé um leyfislausu hunda að ræða.

2. gr.

Gjaldskrá þessi, sem er samin og samþykkt af sveitarstjórnnum Reykjanesbæjar, Grindavíkur, Sandgerðisbæjar, Gerðahrepps og Vatnsleysustrandarhrepps, með heimild í 25. gr. laga nr. 7/1998 um hollustuhætti og mengunarvarnir ásamt síðari breytingum, öðlast gildi við birtingu. Um leið fellur úr gildi gjaldskrá nr. 268/1996 fyrir hundahald á Suðurnesjum.

Suðurnesjum, 12. júlí 1999.

F.h. sveitarfélaga á Suðurnesjum,

Magnús H. Guðjónsson,

framkvæmdastjóri Heilbrigðiseftirlits Suðurnesja.

REGLUGERÐ

um breyting á reglugerð nr. 449/1990, um endurgreiðslu virðisaukaskatts af vinnu manna við íbúðarhúsnæði, með síðari breytingum.

1. gr.

Orðið „hérlendis“ í c-lið 1. mgr. 1. gr. fellur brott.

2. gr.

1. málslíður 9. gr. reglugerðarinnar orðast svo:

Rétt til endurgreiðslu samkvæmt ákvæðum þessa kafla eiga þeir sem flytja inn verksmiðjuframeidd íbúðarhús eða frameiða íbúðarhús í verksmiðju hér á landi.